

Embaixador UE Visita ATC

DILI – Embaixador União Europeia (UE), Alexandre Leitão, vizita knua Associação Tane Consumidor (ATC) ho objetivu atu servisu hamutuk hodi tane konsumidor nia direitu no dever. Kestaun nee hatoo husi Prezidente ATC Antonio Ramos da Silva ba jornalista iha ninia knaar fatin, Vila Verde, Dili, Sesta (23/8/2019).

Iha seremonia nee, halao mos seremonia de atribuisaun socio honorario husi Embaixador UE Alexandre Leitão socio merito ba Dr. Jose Ramos Horta. Associação decide tanba sira nia papel luta ba bem estar ba comunidade, liliu luta konsumidor sira nia direitu no dever.

“Konsumidor hanesan sai organizasaun siasidade sivil, mas ninia area de intervensaun iha advokasia ba konsumidor sira nee iha problema bainhira hola telefone, pulsa, komunikaun iha problema konsumu associação fo atensaun,” Alexandre Leitão realsa.

Problema konaba loja sira, nee associação nia servisu tanba importante defesa konsumidor iha nasaun ida demokratiku nee mak ami mos presiza atu halo kapasitasaun tuir programa neebe hetan finansiamnetu husi nuneemos ami hamutuk ho organizasaun defesa konsumidor Portugal nian tuir hamutuk sira benefisiu lori fo

formasaun ba kadru sira.

Ho alerta neebe mai husi ema ho reputasaun no figura hanesan Dr. Jose Ramos Horta, konsumidor sira iha Timor-Leste bele hetan esperansa katak lei ba protensaun konsumidor sira sei implementa no sei kumpri husi parte hot-hotu, regulador sira, agente ekonomiku, direitu no interese ba konsumidor sira hetan garantia no respeito.

Iha siasidade demokratiku, siasidade sivil nia partisipasaun iha envolvimentu iha politika publika nee importante no organizasaun konsumidor kontribui ba ekilibriu iha siasidade, Associação Tane bele haboot nafatin no kapasita-an defesa atu bele sai referensia iha Timor-Leste nia laran, no atu bele define didiak direitu konsumidor sira nian.

Intervensaun publika Dr. Jose Ramos Horta korresponde ho denunsia sira neebe TANE foti no kesar sira neebe mak mai husi konsumidor sira hanesan monopoli ita nia transporte semo nian, liu-liu folin ba bilete aviaun, ahi mate permanente, prestasaun presu ladiak husi operador telekomunikasaun no publisidade bosok sira husi produktu no servisu sira.

Nia hatutan, estatuto socio merito nian ba Dr. Jose Ramos Horta, prémio Nobel da Paz tinan 1996 no eis Prezidente da Republika, no fo estatuto

socio no Honorario ba Embaixador Alexandre Leitão, Embaixador União Europeia iha Timor-Leste.

TANE hili figura rua nee, fundamenta no razaun sira tanba sira nain rua fo ninia kontribuisaun ba dezvoltamentu ema barak, liliu konsumidor sira.

Fo Socio Merito ba Dr. Jose Ramos Horta, ninia atusaun publika ba maksoin direitus no interese povu Timor-Leste no ba humidade, nee hetan rekonesementu internasiona liu husi knaar neebe halao hanesan diplomata no politiku, nia sempre funu ba ema barak nia diak no liu-liu sira neebe konsumidor kbiit laek sira.

Fo Socio Honorario ba Dr. Alexandre Leitão ho hanoin katak ninia kontribuisaun defesa ba direitu interese povu Timor-Leste nian, liu husi halao ninia misaun iha Timor-Leste no luta ba hasae kbiit no tulun ba organizasaun siasidade civil hot-hotu no liu-liu ba ATC neebe sira nia servisu hetan rekonesementu husi siasidade Timor nia rasik.

Diresaun TANE desde liu Assembleia Jeral Extraordinária fo kargu Prezidente Honorario Dr. Jose Ramos Horta, tanba iha ninia intervesaun publika, ninia preokupasaun boot liu, sempre koloka defesa konsumidor sira iha Timor Leste as tebes. ESTI-07/ESTI-12